

Protocol no. 85
Sezzüda da lündeschdi, 10 schner 2011, 20.00 – 22.45

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 84 da la sezzüda dals 3 schner 2011 vain approvà.

736 790 PLANISAZIUN DAL TERRITORI
Anullaziun da la zona da planisaziun

Il Cussagl cumünal decida da schoglier la zona da planisaziun per la part promoziun 1. abitaziuns e direcziun da 2. abitaziuns, introdüta als 11 mai 2009, e da collavurar pro l'elavuraziun d'üna varianta regiunala (PEB). Ils prossems pass sun ils seguaints:

1. Levar la zona da planisaziun per la part da 2. abitaziuns.
2. Deliberar las 19 prümas abitaziuns.
3. Decretar la decisiun als patruns da fabrica pertocs e pajar inavò la taxa directiva.

737 021 FABRICA
Chasper Planta – Renovaziun / Ingrondimaint abitaziun tablà – Surataglia

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
 - taxa da trattamaint fr. 100.--
 - taxa d'attach d'aua, prov. 1.5 % fr. 960.--
 - taxa d'attach chanalisaziun e sarinera, prov. 2.0 % fr. 1'280.-- excl. ipv.
 - taxa d'attach provedimaint electric, prov. 1.0 % fr. 640.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Las indicaziuns da la pulizia da fö sun part integralas dal permiss da fabrica.

738 830 TURISSEM
Pista dal sömmi

Il Cussagl cumünal tematisescha amo üna jada la finischiun da la pista dal sömmi. I vain fat la proposta d'eleger üna cumischiun chi suondescha las pussibilitats. Il Cussagl cumünal es da l'avis ch'üna cumischiun nu saja necessaria. Ün büro specialisà vaiva fingià fat quistas retscherchas e la situaziun d'hoz cun 2 bratschs a la fin saja la megl'dra e la plü realistica. Il Cussagl cumünal decida da montar in lös critics suas per s'tgnair landervia e da montar duos tablas (Plan da Muglins) chi muossan la distanza e la pendenza per chaminar fin pro las fermativas dal bus da skis.

739 830

TURISSEM
Ustarias a Sent

La Chasa Veglia es statta davent da Nadal e sur Büman averta. Inaspettadamaing es ella però darcheu gnüda serrada. Il Cussagl cumünal d'eira da l'avis ch'ün' unica ustaria saja per Sent bler massa pac e chi fetscha nair dabsögn da tgnair avert üna seguonda. Perquai vain per la stagiun d'inviern manada l'ustaria dal Cumün in collavuraziun culla manadra da La Teja. Il Cussagl cumünal conceda in quist cas ün permiss d'ustaria seguaintamaing:

- persuna respunsabla: Cumün da Sent, Georg Salomon
- descripziuns da la localitats: Chasa Veglia
- dürada: Finischiun da la stagiun d'inviern 2010/2011

Il Cumün inchascha tenor art. 12 dal uorden d'ustaria üna taxa da fr. 200.-- per quist permiss (contaziun interna).

740 860.435.01

Vendita forza electrica
Certificat produzioni d'energia ouvras cumünalas

Il Cussagl cumünal piglia incunter la spiegaziun dal schef d'energia cha la Repower pajess davent dad october 2011 be amo 1.1 rp. per kWh (fin uossa 2 rp). El decida da far la proposta cha la Corporaziun dals Cumüns concessiunaris dess surtour tuot ils certificats da las ouvras cumünalas (in seis intschess), rajiundscond cun quai ün portfolio d'energia da 100 % da qualità superiura. El es persvas da l'effet positiv vers inoura e da la plüvalur chi po gnir generada cun das-chair propagar üna regiun cun consüm d'energia da qualità complettamaing ecologica o regenerabla.

742 620.311

Signalisaziun da vias e piazzas
Divers placats

Il Cussagl cumünal decida da postar ils seguaints placats:

- 2 placats per render attent süllas votumaziuns
- 4 placats scumandà da campar sül territori da Sent

Per ils placats vain dat liber ün credit da fr. 4'500.-- (incl. lavur dal cumün).

743 020

ADMINISTRAZIUN CUMÜNALA
Persunal

L'actuar orientescha al Cussagl cumünal cha Branislava Mrkonjic haja l'intenziun da lavurar pro'l cumün infin la mità da marz. Per surmuntar il temp fin chi's ha chattà ün chanzlist o chanzlista vain ingaschada Patrizia Primerano (anteriura giarsuna) fix per duos mais (mai e gün).

L'actuar: